

元始无量度人上品妙經卷之二十一

降真召靈品

道言昔於太極宮中紫耀騰歌大通神土受元始度人降真召靈无量上品

元始天尊當說是經周回十過以召十方始當詣座天真大神上聖高尊妙行真人無鞅數眾乘空而來紫烟騰霄羽騎雲車霓旌霞蓋映靄晨輝五色羅絡鬱耀九空七日七夜諸天諸地日月星辰海嶽洞宮一時開朗靈光照徹景氣澄清一國地土山川林木緬平一等無復高下土皆作七寶異珍十華妙色眾真侍座

道藏輯要

度人妙經

三

角集五
X08

元始天尊玄坐空浮天靈洞化神金萬變之座說經一遍天真大聖同時稱善是時一國男女尊崇道德開悟性真說經二遍神化彰明說經三遍昧識達玄說經四遍霄虛妙響雅韻成音說經五遍空洞靈文朗煥八方說經六遍高真上聖下教人間說經七遍三洞經法普用宣行說經八遍幽顯神靈應念隨心感善降祥與德合并說經九遍魔試蠲息五帝舉仙說經十遍百神結體萬炁齊升是時一國是男是女莫不傾心皆受護度咸得長生

道言是時元始天尊說經一遍東方无極无量品元道大神無鞅之眾浮空而至說經二遍南方无極无量品明會大神無鞅

之眾浮空而至說經三遍西方无極无量品浩素大神無鞅之眾浮空而至說經四遍北方无極无量品靜復大神無鞅之眾浮空而至說經五遍東北无極无量品萬化大神無鞅之眾浮空而至說經六遍東南无極无量品通光大神無鞅之眾浮空而至說經七遍西南无極无量品華真大神無鞅之眾浮空而至說經八遍西北无極无量品玄虛大神無鞅之眾浮空而至說經九遍上方无極无量品紫極大神無鞅之眾浮空而至說經十遍下方无極无量品洞皇大神無鞅之眾浮空而至十遍周竟十方无極天真大神一時同至一國男女傾心歸仰來者有如雲飛霧合無鞅之眾進國一半土皆偏陷非可禁止於是

道藏輯要

度人妙經

三

角集五
八三八

元始化一寶山狀如崑崙內有洞室玉扉四開在空玄之中去地千丈元始登引天真大神上聖高尊妙行真人十方无極至真大神無鞅眾俱入寶山之中天人仰看惟見勃勃從玉扉中入既入玉扉不知所在國人廓散地還平正無復畝陷元始即於寶山之內說經都竟眾真監度以授於我當此之時喜慶難言法事粗悉諸天復位條歛之間寂無遺響是時天人遇值經法普得濟度久視長年無有疾傷領土歸仰咸啟悟心不邪不誑不昧不愚不荒不蕩不求不欲不念不思性與道通體合至真慈惠爲本風俗長淳國安民豐欣樂太平經始出教一國以道預有至心崇奉禮敬皆得度世

道言元始天尊說經中所言並是諸天上帝內名隱韻之音亦是神霄內諱玉洞之隱名也非世之常辭上聖已成真人通玄究微能悉其章誦之十過諸天遙唱萬帝設禮河海靜默天真降庭招命神靈三天駐軒旋璣不行千官列班負赤玉之寶圖握黑帝之隱篇回屍起死降真得生白骨成人上獲高仙至學之士誦之十過則五帝臨察三官赦愆地根伐絕魔試莫侵濟度垂死絕而得生所以爾者學士穢氣未消體未洞真以制十方威未制天政德可伏御地祇束縛魔靈但卻死而已不能更生輕誦此章身則被殃供養尊禮門戶興隆世世昌熾與善因緣萬災不干神明護門斯經尊妙獨步玉京度人无量爲萬道

道藏輯要

度人妙經

言

角集五

八三

之宗巍巍大梵德難可勝

道言凡誦是經十過降真召靈諸天齊到海嶽神官陰陽主宰俱來護度簡奏高宸格皆九年道就長生獲受玉書而上列帝臣功滿德就無不克升朝於金闕遊宴玉京也上學之士修誦是經降真召靈混化百神洞合幽妙超鍊飛昇世人受誦雖未達玄要精念若勤亦可感真期靈延致妙氣灌養身形脫離疾患保壽長年後皆得作尸解之道魂神暫滅不經地獄卽得返形遊行太空此經微妙普度無窮一切天人莫不受慶無量之福生死蒙惠上天所寶不傳下世至士齋金寶効心盟天而傳輕泄漏慢殃及九祖長役鬼官侍經五帝玉童玉女各三十二

人營衛神文保護受經者身

道言正月長齋誦詠是經降太上之上真召三界之眾靈爲上
世玄曾下逮一身消絕積禍散滅惡愆上升玉宮參宸帝軒七
月長齋誦詠是經降太一之中真召九宮之眾靈保度我身上
奏立名紀功青簡十月長齋誦詠是經降太上之下真召洞臺
之眾靈爲國土封疆社稷民人撫調時序風雨順宜稼穡豐穰
永享升平八節之日誦詠是經降召八方玄虛日月宿度真靈
消穰殃疹感格福祥本命之日誦詠是經降召天地陰陽五行
真靈之神混合我形鎮守百關九宮泥丸骨骸玉固色潤金鮮
使我長存上賓帝前

道藏輯要

度人妙經

三五

角集五

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐青黃白三
色雲炁之中內外翳冥有青龍白虎朱雀玄武獅子白鶴羅
列左右日月照明洞煥室內項生圓象光映十方如此分明
密咒曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十六人關啟所言今
日吉慶長齋清堂修行至經无量度人願所啟上徹徑御
无上三十二天元始上帝至尊几前畢

引炁三十二過東向誦經

元始无量度人上品妙經

元始洞玄靈寶本章降真召靈上品妙首十回度人百魔隱韻
感格自然神素靈章合明妙關虛清大梵經緯萬天總括三道
玄通化樞宗於會極與道涵虛開布精誠分辨靈塗非志不達
非德不據神文攝炁冥冥相符上該玉闕旁周洞无彌羅梵境
幽寥之中紫微瓊館龜臺閭風天機所主歷劫元綱混茫之精
祕蹟幽光煥落萬景鬱秀五華大羅法輪總御十方佩受帝炁
降真召靈中有消愆散厄之神中有長生延壽之君中有三五
定命大神中有五老皇靈丈人中有陰陽丁甲元根主宰太一
尊神回光鑒映无量度人今日存感萬聖臨軒

道藏輯要

度人妙經

美

角集五

川文

東方无極景真神王長生大聖无量度人
南方无極化靈神王長生大聖无量度人
西方无極昭應神王長生大聖无量度人
北方无極冥慧神王長生大聖无量度人
東北无極妙智神王長生大聖无量度人
東南无極洞明神王長生大聖无量度人
西南无極藏光神王長生大聖无量度人
西北无極寶華神王長生大聖无量度人
上方无極寶仙神王長生大聖无量度人
下方无極舉度神王長生大聖无量度人

上方降真召靈神王長生度世无量大神並乘三素華雲飛颺
霞輦浮耀玉輿翼衛鑾天大獸神虎辟邪建降真之節召靈之
旛前列鐘鼓震響後參廣樂簫歌景龍碧鳳音韻相和千真馳
驅萬象回旋天仙兵馬羅布億千傾光回耀應化而來神霄上
宰太極諸天玄機玉輔二臺仙卿奉符秉籍簡奏晨玄真皇敷
化告下三元八極世界洞府泉源重河九壘鄴都六宮南闕北
溟百二十曹檢校仙士學真之人丹心淵徹志念精微感通妙
際契會幽機隨所昭格敢有愆違玉都上房錫命靈飛上清六
甲豁落五符左招無英右挾白元保鍊形骨與天齊年永度三
塗五苦八難超凌三界逍遙上清上清之天天帝合元無色之
道藏輯要

度人妙經

三七

角集五
川又川

境梵行

東方八天

幽澄至感天

帝順斬允隆

九生論化天

帝賀玉滄汶

巴那浩公天

帝落定形

垠谿政修天

帝寥吉有駢

角明動中天

帝司關正儀

无量勤德總彰天

帝卓蘭冥奇

銖滿自利天

帝運希生

幼直感容天

帝護特化昭

南方八天

鳳陂文隱天

帝權變朱英

丹宮簡房天

帝竺月羅

樞洪厯瑤天

帝耀童眞

度仙勝延天

帝眞來秉夫

變世壽華天

帝祕度無傍

逸龍雲景天

帝驛追萬靈

胎素衛慈天

帝握炁盈孫

寶紀定名天

帝達眞和

西方八天

道藏輯要

度人妙經

三

角集五

神營受符天

帝老景星昌

召靈促駟天

帝石耀公儀

印道誓玄天

帝術律用封

眞化瓊靈天

帝召嬰伯康

皓靈傅卿天

帝和總山圭

太微七司天

帝祝望枚宗

流精大安天

帝就思九生

刺陽巡斗檢靈天

帝正輿傾光

北方八天

奠辰高濤八混天

帝瑤弓致眞

證道示虛納空天

帝範堂賓

舞雷舒光玄報天

帝溫慈明旂

洞色紫精天

帝召靈考仙

修陽啟珠天

帝伯述無回

騎史信書天

帝益沖領方

太上閱功天

帝普英元王

仙曹勅功錄王天

帝壽都基昌

三十二天三十二帝諸天隱諱諸天隱名天中空洞自然靈章

諸天隱韻混合之音立極之尊儔天之神飛空大魔攝氣之靈

四被六周騰變太清玄上之化廣難可名召降靈真普度天人

道藏輯要

度人妙經

卷

角集五

今日感生鍊度歷試諸天成體玉華合景飛根佩服赤書功列

紫宸玄司考察名參上宮東斗奏言西斗授章北斗奉簡南斗

化光中斗元標運幹萬方青帝開生白帝舉仙赤帝執法黑帝

賞延黃帝秉正攝御威權青天真君大憲明歷丹天真君龍耀

司直素天真君摧伏惡逆黑天真君施玄布德黃天真君鎮安

四極五天至真萬道之元飛行太虛統領羣仙總校圖籙高居

上玄周行八冥坐鎮天關蒼河碧海瑤闕瓊山宣令布化普告

無窮元皇受命掃蕩災凶鑿天震威流光四衝天老持符照辟

不祥驅除萬惡理正元綱敢有干犯亂我天常不容乖變糾送

溟泠風火交激殺伐祇羣學道得度開濟生民斷滅魔試皆獲

飛升拔度七祖永離幽沉不得留滯受鍊朱陵宣告北酆萬神
咸聽三官九府列奏玉京

天元大錄變化玄虛纏結周流騰降沉浮下冲鬱絕上朗太无
靈風扇霄開天御圖天上天下幽廓冥冥玄光浩蕩大劫無形
鴻濛元氣雙象交升混沌懸立保運自然負山召龍億歷綿綿
周行離合包絡諸天玉昌安鎮五方赤文妙化生育三十九篇
立以天帝主以道君流演陰陽統治萬靈攝領羣魔持運彌綸
大範宣布八垣流精澄景天華眇眇玄微玄微上皇炁合真機
飛光紫清耀英霄燿明霞散空太真儼開玉章灌鍊靈煙九回
玄京納正輔化三才千備萬周混道成真真中至神萬帝之尊

道藏輯要

度人妙經

卑

角集五
X1人

冥處圓羅我之化身龍漢億劫植立無垠丹光煥發萬品生成
上遊紫虛劫仍蕭臺琳宮之內華闕之中召降真靈普度羣生
蕩除穢滯通理百關七轉回風與氣俱仙仙道永存无量度人
上開八門經天化輪考校功業罪福因緣普度七祖一切幽魂
逍遙十極上升九天九天之上各有生音中有玄虛通感之章
列聖靈篇辭參高真

第一天人通感之音

玄化蕩蕩

流結真精

肇立諸天

生育神靈

茫茫三界

无極天民

邪想淪惡趣

通感登高清

穢濁相沉溺

使爾道無成 不受洞元章 何以超玄津
欲念隨所樂 學仙多苦辛 縈累須與滅
業盡化埃塵 一悟永逍遙 萬劫保長存
精誠貫紫霄 遼思達玉京 神飛合太虛
同妙際幽冥

第二仙王降真之章

玉文羅碧霄 降真玄上峯 服嚙日月華
高奔玉帝宮 逍遙過三界 倏駕徇靈風
中育孩道康 內居伯史原 巾金佩綠羽
騰輝乘紫煙 相命諸仙僚 齊禮帝一尊

道藏輯要

度人妙經

聖

角集五

下觀無極鄉 塵境何紛紛 丹簡攝大魔
黃旗校雲營 蔚蕭祕青編 普度學真民
玄符下三界 萬炁皆齊仙 元始會百神
同光臨我軒 七祖離長夜 幽魂度五關
與我永相期 超升出世緣

第三元皇召靈之篇

三天之上 洞靈清微 玄景崇阿
劫俱靈宮 中有至尊 運化元機
統御羣品 萬氣總歸 巍巍大梵
太素高神 丹光歷明 二象豁開

鬱察受教

布列真階

飛天流演

包絡泉臺

八威玉文

安鎮五山

永保億劫

使炁無傾

人能玄感

悟道通靈

修真進仙業

萬聖自來臨

世慾空真趣

何不栖山林

此三界之上飛空之中飛仙真音音參洞章誦之百遍通感無
垠誦之千遍召降真靈萬遍道備玄聖來臨過度三界位登仙
卿有聞靈音羣魔敬形勅制地祇侍衛送迎拔出地戶五苦八
難七祖升遷永離鬼官魂度朱陵受鍊更生是謂无量普度無
窮有祕上天文諸天共所崇泄慢墮地獄禍及七祖翁

道藏輯要

度人妙經

聖

角集五

道言此二章並是諸天上帝及至真仙王隱祕之音皆是大梵
之言非世上常辭言無韻麗曲無華宛故謂玄奧難可尋詳上
天所寶祕於神霄玉清王府東華寶藏依玄科隨運下傳若有
至人齋金寶質心依舊格告盟玉清然後而付焉

道言夫降真則災厄息召靈則禍難除安國甯家悉從玄感若
劫運否終三光虧盈神人休否末學疾傷同氣皆當齊心修齋
六時行香十遍轉經高聖立降消諸不祥无量之文普度無窮
道言夫末學道淺或仙品未充運應滅度身經太陰臨過之時
同學至人爲其行香誦經十過致五靈之童以始生之英鍊度
屍形如法魂神經上南宮隨其學功計日而得更生轉輪不惑

便得神仙

道言夫天地運終 星宿錯度日月失明陰陽不調國境有災兆
民死傷師友命過 皆當修齋行香誦經則八天主司各遣飛仙
收滅禍害之氣使 國土安甯生民康泰已化超升夫齋戒誦經
功德甚重上消天 災保鎮帝王下禳毒害以度兆民隨其功業
感格真靈故曰无 量普度天人

道言凡有是經能為天地帝主兆民行是功德召降之日發心
修齋燒香誦經十 過皆真靈記名萬聖來臨右別至人克得為
帝君玉府之臣列 曹記人功過毫分無失神霄公卿亦保舉爾
身得道者乃當洞 明至言也

道藏輯要

度人妙經

聖

角集五

諸天中大梵隱語无量音 道君撰

元始降真召靈中篇

東方八天

陣林斗廬 弔角歷虛 帝明愬恪

景昭化于 丙純祠文 律慶自模

滅叔止普 政憩愍居 昌極禡鄰

兌挹元符 札邁時畢 臻魯張須

甲華左周 轉辰閭師 杳太逸王

紫天毗分

南方八天

朱光含道 析真流陽 固已洞温

伏覲玻璃 露乾迹非 雲押甯章

既獲由祭 夢奪元剛 注靈鸞泰

旬使治倉 弗閑獲度 平太勇光

赤華輝帝 廣素啟方 望智無問

義井委常

西方八天

頓又瑤款 冥湄阻衰 釋謚房弼

定局可歸 稱玄弗極 用祕提回

猛歌昆緣 邾墟淑階 高華偃聰

道藏輯要

度人妙經

器

角集五

拱師陀開 輝路湛見 嶽察守臺

至鎮栢趨 珙袍碧微 山真夷郎

道英格非

北方八天

獲侯察姦 主兵元環 盧起瞻谿

歷魔簿監 文華權陽 液掖嶠盤

麗審密火 化混雲輪 交到父谷

羅奕穹旻 暝和情比 紫真降璘

展義漠涖 晦張垠綿 緯投穴互

畢忽輕遷

道言此諸天中大梵隱語无量之音舊文刻書青城宮玉臺館
主降天地之高真幽顯之玄靈助行大化以唱三境之仙宗字
皆廣長一丈天真皇人昔書其文以爲正音有知其音能齋而
誦之者諸天皆命化炁仙王下觀其身書其功勤上奏諸天萬
神朝禮地祇侍門大勳魔王保舉飛升道備克得遊行三界升
入金門此音無所不辟無所不禳無所不度無所不成天真自
然之音也故誦之致飛天下觀上帝遙唱萬神朝禮三界侍軒
羣祇束首鬼精自亡琳琅振響十方肅清河海靜默山嶽吞煙
萬靈振伏招集羣仙天無氛穢地無祇塵冥慧洞清大量之玄
也

高上仙王降真之符

